

Sakspapir

Saksbehandlar	Arkiv	ArkivsakID
Eirik Bouwer Utne	FA - C50, TI - &30	14/653

Saksnr	Utvalg	Type	Dato
09/2015	Utval for levekår	PS	17.02.2015

Kulturminneplan for Meland kommune 2016 - 2021 - Planprogram på høyring

Vedlegg:

Framlegg til planprogram - Kulturminneplan for Meland kommune 2016 - 2021

Saksopplysningar:

Bakgrunn

Utval for levekår vedtok i møte 3.6.2014, sak 27/2014, oppstart av arbeid med kulturminneplan for Meland kommune 2016–2021. I same sak blei det vedtatt at utvalet skal vere styringsgruppe for planen.

I møte den 16.9.2014, fekk utvalet fekk ei orientering om kulturminneplanarbeidet med påfølgjande diskusjon og innspelsrunde.

Kulturminneplanen skal vere ein temaplan. For slike planar er det ikkje krav om å følgje prosesskrava til kommunedelplanar i plan- og bygningslova, men ved å følgje desse opnar ein i større grad opp for brei deltaking og involvering i planprosessen. Dette er òg tilrådd frå høgare forvaltningsnivå. Det blir derfor lagt opp til å følgje desse krava i planarbeidet.

Vurdering

Å utarbeide ein kulturminneplan er eit delmål i samfunnsdelen av *Kommuneplan for Meland kommune 2014–2025*.

Kulturminneplan for Meland kommune er ei prioritert oppgåve i *Planstrategi for Meland kommune 2014–2016*:

Meland er den tredje mest veksande kommunen i Noreg. Meland er ein presskommune i høve til arealendringar. For å sikre attraktive, gode identitetsfremjande leve og bumiljø, er grønstruktur, friområde og kulturmiljø/landskap ein viktig del av arealstrategiane i kommunen. Dette heng og saman med satsingsfeltet vårt folkehelse. Målet med planen er at den skal

- Gjere eit utval av kulturminne og kulturmiljø som skal prioriterast å takast i vare for ettertida.*
- Planen skal vere eit reiskap for sakshandsamarar i kommunen innan arealplanleggjing byggjesak og kultur*
- Planen skal syne døme på korleis ein kan bruke og ta vare på kulturminne i*

** Frå Planstrategi for Meland kommune 2014–2016*

Ein føresetnad for å utarbeide ein kulturminneplan var at kommunen fekk ekstern stønad til arbeidet. Meland kommune ved tenesteområde kultur fekk tildeling på kr 100 000 til registreringsarbeid og kartlegging av kulturminne i 2014. Søknad om tilskot for 2015 til Hordaland fylkeskommune til utarbeiding av kulturminneplan skal leverast med frist 13.2.2015. Denne eksterne finansieringa styrkar arbeidet med planen og gjer det mogleg å utarbeide ein godt forankra kulturminneplan med breitt utsyn og høg medverknad.

Planprogrammet som ligg ved denne saka gjer greie for bakgrunnen for planarbeidet, målsetjingar med planen, rammer og føresetnader som ligg til grunn, ressursbehov og organisering av planarbeidet. Planen skal dekke heile kommunen og alle tidsepokar, men skal i hovudsak fokusere på nyare tids kulturminne som ikkje direkte blir omfatta av kulturminneloven. Planen skal delast opp etter tema og ta med seg både faste kulturminne og immateriell kulturarv. Faste kulturminne skal registrerast i eit oversyn der ein skal vurdere korleis ei prioritering og vektlegging av desse kan gå føre seg og gjennomførast i planen.

I tråd med oppstartsvedtaket for planen skal den vere vedtatt hausten 2016.

Folkehelse

Miljø

Økonomi

Ikkje vurdert særskild i saka.

Konklusjon

For å sikre brei deltaking i planarbeidet med god forankring i alle delar av kommunen bør kulturminneplanen følgje prosesskrava til kommunedelplanar. Planprogrammet leggjast ut på høyring i seks veker med 27. april 2015 som frist til å komme med innspel.

Framlegg til vedtak:

Meland kommune legg ut framlegg til Planprogram for Kulturminneplan for Meland kommune 2016–2021 på høyring. Planarbeidet er i tråd med planstrategien for Meland kommune 2014–2016.

Utval for levekår - 09/2015

ULK - behandling:

ULK - vedtak:

Meland kommune legg ut framlegg til Planprogram for Kulturminneplan for Meland kommune 2016–2021 på høyring. Planarbeidet er i tråd med planstrategien for Meland kommune

2014–2016.